

zeit mit den vierhundert gulden, so von Pegaw gefallen, funfhundert gulden hübe den professoribus auszuteylen. Folgents Ioannis soll ehr dem hern rectori und decanis zcu stellenn funffhundert gulden, desgleichenn auf Michaelis ader ungeferlich acht aber viertzehn tage hernach und sobaldt das geldt von Pegaw desselben termins eynkummt
 5 aber eynhundert floren und letztlich Weinachten aber funffhundert gulden, ader was sunst nach inhalt guther rechnung hinterstelligk ader ubrigk seyn wirt. Es soll auch gemelter Leonhart Sehofer bey eynem ieden rectore und also alle halbe iar einmall, als nemlich Ioannis und Weinachtenn, wen ehr das letzte geldt eines ieden termins uberantwortet, in beysein der vier decanen ader wehn sie an yhre stadt darzu vorordenen wer-
 10 den seyner vorwaltung und aller einnahm und ausgabe geburliche rechnung thuen, dartzu soll ehr sich auch bevlæssigen das alle hinterstellige zcinse und alte retardat nach eingebracht werden, alsdann sall yhm zur besoldung auff eyn iedes derselbigen vorthinen iahre auch funftzigk gulden zcu den zewenen fuder heu, so ehr albereit eyn ides iar empfangen, gereicht werden, das yhm also auf die vorgangenen iare allein die
 15 dreissigk scheffell habern an der besoldung abzuzihn seynt. Welchs alles gedachter Leonhardt Sehofer gegen obberurter besoldung also bewilligt und angenommen. Des zcu urkunt seynt zewue schrifften gleichs lauts gmacht, von allen theilenn besiegelt und dem herren rectori eyne und Leonharden Sehofer die andere zcugestellt.

Geschehen zcu Leyptzk donnerstags nach letare im funffzehennhundert acht
 20 und vierzigsten iare.

478.

Melchior von Ossa, kurfürstlich sächsischer Hofrichter, ladet den wegen fortgesetzter Nichtbezahlung rückständiger Zinsen von der Artistenfakultät angeklagten Georg Pflug zu Gross-Zschocher nach Leipzig vor Gericht. 1548 Apr. 9.

25 *Hdschr.: Registrum facult. artium fol. 46.
 Anm.: Vergl. hierzu No. 461 und 475.*

Des durchlauchtigsten hochgebornen fursten unnd herren, herren Moritzen hertzogen zu Sachsen, des heyligen Romischen reichs ertzmarschalek, churfursten, landt-
 30 graben inn Duringen und marggraven zu Meyssen, meynes gnedigsten herren obern hofegerichts ich Melchior von Ossa der rechte doctor und itzund hoferichter entpiette euch erbarn und ernvhesten Georgen Pfluge zu Grossen Ttscocher mein freuntlich dienst und thue euch zu wissen, das myr die facultet artium der universitet zu Leiptzigk hatt
 anbrengenn lassen, wie das ihr dieselbigen facultet zehen gulden ierlicher zinse zu geben schuldig, sollet ir er doch ubir vilfaltigs manen inn dreien iaren bis anhehr nichts ge-
 35 geben haben, also das dreissig gulden zinse sampt den kunfftigen vortagt wurden, derhalben dieselbige facultet vorursacht euch mit rechte zur bezalunge zu brengen unnd mich darneben gebeten euch darauff zu laden unnd furtzuhaischen.

Demnach heische ich und lade euch, das ir persönlich adder durch euren tuch-
 tigen anwalden und volmechtigen, der inn bemelter sachen gnungsamlich unterrichtet, uff